

## Transkription von Stadtbucheintrag BRB 1396c

Ort, Datierung: Brandenburg an der Havel, 1396-12-28

Signatur: Domstiftsarchiv Brandenburg, Kopialbuch I, k. A.

Inhalt: Jacop Rossow: Abgabemodalitäten für Wein

---

Wyntegede Jacop Rossowes borgers / in der Nyen stat wyngarde / JN den Jaren godis durent iar driihundert Jar / dar na in deme ses vnde Negentichsten iare des / dunnerdaghes bynnen den achtedaghen goddis . / ghebort . Jn Jegenwardicheyt . vnde tu Tughe . der / craftigen . Ern Johannis Coti officiales des bisscho=/pes houes tũ Brand(enburg) vnd(e) her Nicolai plonitz cano-/nic(es) der kerken tũ Brand(enburg) . vnde er Almaris per-/rers tũ protzerwe . vnd(e) Claws Stephans borghers / in der Nighen stad tũ Brand(enburg) hebben dy craftighen / wisen manne . Er hinr(ich) Grote canonik der kerken tũ / Brand(enburg) perrer in der olden stad tu Brand(enburg) . vnde / Jacob Rossow Borgher in der Nighen stad tũ Brand(enburg) / vmme wyntegheden van dem wyngarden dy lecht / an vnser wrowen berghe vor der olden stad tũ Brand(enburg) / tũ deme meynen weghe wart also men wandert vt / der olden stad tũ Brand(enburg) tu der leem gruen wart / tu der luchterhant wart eyndrafftichliken med gude(n) / willen vnde med guden vorbedachten mude . ghe / dedinghet vnde ouer eyne komen . dat dy vorbenũme/de Jacob Rossow dy wile hy leuet . wil vnde schal / dem vorbenumden perrer in der olden stad vnde / synen nakomen perren . vor den wyntegheden van / dem wyngarden . gheuen alle iar vyr stoueken wy-/nes . Auer nach syme dode scholen syne eruen van / dem wyngarden gheuen vor den tegheden dat drut/tigeste stoueken wynes . weret ok dat hy den . / wyngarden by synen leuende vor kofte . so schal / dy koper edder dy den wyngarden besittet . het / holdet edder werket van den wingarden vor . / den tegheden gheuen alle iar deme vorgnanten // perrer vnde synen nakomelinghen dat druttigheste / stoueken wynes /